

UNIVERZITET U SARAJEVU, Obala Kulina bana 7/II kojeg zastupa prof. dr. Rifat Škrijelj,
UNIVERZITET U SARAJEVU - PRIRODNO-MATEMATIČKI FAKULTET, ulica Zmaja od Bosne
33-35, kojeg zastupa prof. dr. Nusret Drešković, dekan (u daljem tekstu „Fakultet”);

i

CENTAR ZA OBRAZOVNE INICIJATIVE STEP BY STEP, ulica Kralja Tvrtka 1, 71 000 Sarajevo,
matični broj: 4200 397 87 0000 kojeg zastupa Nedim Krajišnik, izvršni direktor (u daljem
tekstu: „COI Step by Step”).

zaključuju u Sarajevu dana 05.04.2022 godine, *sljedeći*:

**SPORAZUM O IMPLEMENTACIJI PROJEKTA MODERNIZACIJE ODSJEKA ZA FIZIKU
UNIVERZITETA U SARAJEVU - PRIRODNO-MATEMATIČKOG FAKULTETA**

I - Predmet Sporazuma

Član 1.
(Predmet Sporazuma)

Predmet ovog Sporazuma je implementacija projekta „Modernizacija Odsjeka za fiziku Univerziteta u Sarajevu - Prirodno-matematički fakultet” (u daljnjem tekstu Projekta).

Član 2.
(Cilj Sporazuma)

COI Step by Step će, uz pomoć fondacije „Tri fizičara” (u daljnjem tekstu: Donator), podržati Univerzitet u Sarajevu - Prirodno-matematički fakultet s ciljem osiguranja kvalitetnijih uslova za rad na Odsjeku za fiziku Fakulteta, kroz sljedeće aktivnosti:

- a) Nabavku materijala, opreme i usluga
- b) Opremanje prostorija i poboljšanje za rad

II -Obaveze strana Sporazuma i saradnja s Komisijom Fakulteta

Član 3.

(Poštivanje regulative od strane Sporazumnih strana)

- (1) COI Step by Step će poslovati u duhu pozitivnih zakonskih odredbi, poštivajući sve zakone države u kojoj posluje, kao i specifične zahtjeve Donatora.
- (2) Zakonsku odgovornost za namjensku implementaciju projekta snosi COI Step by Step.
- (3) Procedura nabavki usluga, materijala i oprema određena je pozitivnim zakonskim propisima i pravilnicima COI Step by Step-a i Fakultet ne može uticati na promjenu iste.
- (4) Fakultet je dužan osigurati uslove za ugradnju i puštanje u rad nabavljene opreme u skladu sa internim aktima Fakulteta.

Član 4.

(Komisija Fakulteta)

Radi implementacije aktivnosti iz člana 2. COI Step by Step će konsultovati stručnu komisiju Fakulteta (u daljnjem tekstu: Komisija) koju će pojedinačnim aktom imenovati Dekan Fakulteta.

Član 5.

(Rad Komisije Fakulteta pri provođenju aktivnosti)

- (1) COI Step by Step će konsultovati Komisiju radi izrade specifikacije vrste roba, usluga i materijala za nabavku.
- (2) COI Step by Step će konsultovati Komisiju radi provjere validnosti specifikacije pristiglih ponuda.
- (3) COI Step by Step će samostalno odabrati dobavljača roba i usluga.
- (4) Zajedno sa predstavnicima COI Step by Step-a Komisija će vršiti primopredaju svih roba, usluga i materijala.
- (5) Komisija će usaglasiti sve važne promjene na vrijeme sa COI Step by Step.
- (6) Zbog dinamike realizacije nastavno-naučnog procesa Komisija će predlagati faze nabavke zajedno sa predstavnicima COI Step by Step-a.
- (7) COI Step by Step će posebnim sporazumima sa dobavljačima osigurati prenos garancija za ispravnost isporučene robe i opreme u korist Fakulteta pri čemu Fakultet preuzima punu odgovornost za troškove održavanja opreme nakon isporuke od strane dobavljača.

Član 6.

(Period i realizacije aktivnosti)

- (1) Ova saradnja nije vremenski određena i ovisi o dinamici projekta, zahtjevima Donatora i drugih okolnosti.
- (2) COI Step by Step i predstavnici Fakulteta će održavati kontinuirane sastanke, kako bi se pratila dinamika projekta i otvorena pitanja.
- (3) Po realizaciji projekta, oprema donirana od strane Step by Step postaje vlasništvo Univerziteta u Sarajevu - Prirodno-matematički fakultet.

Član 7.
(Promoviranje saradnje)

- (1) Strane su saglasne o potrebi promocije saradnje i uloge svake Strane i koriste svoje nazive i logotipe, u skladu sa internim procedurama i pravilima, u svim dokumentima i materijalima koji se odnose na saradnju.
- (2) Promocija saradnje iz stave (1) ovog člana se provodi na način da se ističe saradnja uz promociju zajedničkih aktivnosti, organizacija i logotipa.
- (3) Prije objavljivanja bilo kakve informacije koja uključuje pominjanje druge strane ili upotrebe logotipa druge strane potrebno je saopštenje, objavu, publikaciju i druge materijale dostaviti na pisano odobrenje.

III - Završne odredbe

Član 8.
(Rješavanje spornih pitanja)

Sporazumne strane su saglasne da će sve eventualne sporove rješavati sporazumno, a ukoliko to ne bude moguće, utvrđuje se nadležnost suda u Sarajevu.

Član 9.
(Kontakt podaci strana za eventualna obavještenja)

Kontakt detalji Strana za dostavljanje potrebnih obavještenja i komunikaciju su:

1. Univerzitet u Sarajevu- Prirodno-matematički fakultet UNSA
ul. Zmaja od Bosne 33-35, 71000 Sarajevo

Osoba za kontakt:

prof. dr. Elvedin Hasović, prodekan za nastavu i naučno-istraživački rad

Tel: +387 33 279 893

e-mail: elvedin.hasovic@pmf.unsa.ba

2. Centar za obrazovne inicijative Step by Step

ul. Kralja Tvrtka 1, 71000 Sarajevo

Osoba za kontakt:

Nedim Krajišnik

Tel: + 387 33 667 673

e-mail: nedim@coi-stepbystep.ba

Član 10.
(Prestanak Sporazuma)

- (1) Sporazum može prestati sporazumnim raskidom ili otkazom jedne od strana potpisnica.
- (2) Svaka Strana može raskinuti ovaj Sporazum slanjem pisanog obavještenja o raskidanju drugoj Strani dva (2) mjeseca unaprijed.
- (3) Sporazum prestaje da proizvodi pravno dejstvo istekom roka od 90 (devedeset) dana od prijema pismenog obavještenja o otkazu.
- (4) U slučaju raskida sporazuma Strane zadržavaju sva prava stečena izvršavanjem njegovih odredbi za vrijeme važenja.
- (5) Svaka strana učesnica Sporazuma može predložiti odgovarajuću izmjenu i dopunu Sporazuma, koja se vrši na način na koji je Sporazum i zaključen.
- (6) Sporazum je sačinjen u šest (6) istovjetna primjerka, od kojih po dva (2) za svaku sporazumnu stranu.

Univerzitet u Sarajevu
zastupan po rektoru
Prof. dr. Rifat Škrijelj

Potpis _____

Broj i datum: 0101-4140/22
13.04.22.



Univerzitet u Sarajevu - Prirodno-matematički fakultet
zastupan po dekanu
Prof. dr. Nusret Drešković

Potpis _____

Broj i datum: 01/01-798/1-2022
05.04.2022.



Centar za obrazovne inicijative
Step by Step
zastupan po izvršnom direktoru
Nedim Krajišnik

Potpis _____

Broj i datum: 006/22-72 05.04.2022.

